

Гучн зургъан аттестат

Июнь сарин 23-д Элст балгъсна хойрдгч номертӓ дундин школд ик байрта ӓдр болв. Школан кеерӓлӓд, сценинь ногъан торгън килнъгӓр бӓтӓгъӓд сӓӓхрӓлдж. Улан тугмудин дунд Ленинӓ зург ӓлгӓтӓ. Залднь кӓн суудг стулмуд дуӓргӓд зогсагъад, белн кегъӓтӓ. Сцен деернь „Сӓн хаалгъдан ортн, иньгӓд“ — гисн лозунг халата.

Эндр, эн школин арвдгч класс чилӓджӓх кӓвӓд-кӓӓкдин байрин хург болхмн. Хург эклӓд уга. Школин газа гармонь, радиол тачана. Цагъан цагъан фартукта кӓӓкд, цевр сӓӓхн хувцта кӓвӓд инӓлдӓд, шууглӓд бииллцхӓв. Эдниг хӓлӓдж, эднӓ эк-эцкнрнь, багширнь болн талдан байрин хургт ирсн гиичнр, байрлдж гӓӓххӓв.

Асхн нӓӓмн часла, дундин школин директор ӓр Мешковский хургиг секв.

— Энджл мана дундин школ ӓмнк джилмӓдӓс сӓӓнӓр сургъулин джилӓн чилӓв. Арвдгч класст сурчасн, шӓӓвр ӓгх зӓвтӓ 36 сургъульчнр, цугтан шӓӓврӓн зӓвин сӓӓнӓр ӓгч чилӓцхӓв. Тедн дундас шӓӓврӓн нӓӓмн кӓн „сӓн“ болн „йилгъӓн сӓн“ гисн темдгтӓгъӓр чилӓв, — гидж ӓр Мешковский эврӓннь докладтан келв. — Тадн, арвдгч класс чилӓсн багъчуд,

институтд одхасн ӓмн хошагъад джилд производствд кӓдлх зӓвтӓт. Балгъсна ик тосхлтин кӓдлмш, селӓнӓ эдл-ахун кӓдлмш, хӓ ӓсглгън, ӓс, тос, мах ӓсглгън тадниг кӓлӓджӓнӓ. Кӓдлмш му гидж голлго, альдаран одтха гинӓ, тенднь одад, чидлӓн нӓӓлго кӓдлти. Альд йовдг болв чигн тӓрскн школан бичӓ мартти, багширан бичӓ мартти, — гигъӓд ӓр Мешковский докладан чилӓв.

Элстин Ленинӓ нертӓ колхозин ахлӓч ӓр Гончаров, КПСС-н балгъсна комитетин сеглӓтр ӓр Манцынов, танъгъчин сургъуль-эрдмин отделин ахлӓчин дарук ӓр Сидунова болн нань чигн кесг улс хургт, арвдгч класс чилӓсн кӓвӓд-кӓӓкдиг йӓрӓдж ӓг келцхӓв. Сӓӓнӓр шӓӓвр ӓгч, арвдгч класс чилӓсн кӓвӓд-кӓӓкд Кабакова В., Кубекова Р., Попова Л., Борисенко Т., Корниенко И., Ткачева В., Шафоростова В. болн Лаврентьева эднд ӓнтӓ белгӓд школнь ӓгв.

Гучн зургъан сургъульчнр сургъуль-медрлӓрн батрсн аттестат авцхав. Эднӓ зӓрмснь Элст балгъсна колхозмудар одцхахмн, зӓрмнь балгъсна тосхлтин кӓдлмшт кӓдлхмн.

Ӗлзӓтӓ хаалгъдан, байрта, диилвртӓ йовцхатн.

А. СЕМЕНОВА.